



UNIVERSITÄTS-
BIBLIOTHEK
PADERBORN

Universitätsbibliothek Paderborn

**TRACTATVS|| DE CON-||FESSIONIBVS MA=||LEFICORVM ET
SAGA-||RVM SECVNDÒ RECOGNI||tus, & auctior redditus.||
An, & quanta fides ijs adhibenda sit?||**

Binsfeld, Peter

Avgvstae Trevirorvm

VD16 B 5530

Sexta Caussa est, Luxuria, seu carnis voluptas.

urn:nbn:de:hbz:466:1-41113

dem, charitatem, patientiam, mansuetudinem.

*6 cauſſa,
Luxuria.*

Sexta Cauſſa est, *Luxuria, ſeu carniſ
voluptas.*

HAEC multum efficax est ad hominem capiendum & detinendum. Sic Balaam, cap. 24 & 25. in lib. Numerorum: filios Israël mediante fornicatione cum filiabus Moab, induxit ad idololatriam. Hoc enim vitium sapientes & insipientes, ignobiles & potentes deijcit. Quis enim Salomone sapientior, & Samſone fortior? & tamen vtrunq; vicit luxuria: bene ad hoc propositum facit illud Eccl. 19. Vinum & mulieres apostatare faciunt etiam ſapiētes, & luxuria Salomonicauſſa fuit colendi Deos alienos, vt conſtat ex lib. 3. Reg. ca. II. Tobiæ. 6. Audi me, & oſtendam tibi, qui ſunt, quibus Dæmonium præualere potest. Hic namq; qui coiugium ita fuſcipiunt, vt Deum à ſe & à ſua mente excluant, & ſuæ libidini ita vacent, ſicut equus & mulus, quibus non eſt intellectus, habet potestatem Dæmonium ſuper eos. Quidammodo hoc peccatum non ſolū cauſſa incidenti, ſed etiam perfeuerandi in malo ſit, optimè ex ſacris literis tradit Gulielmus Peraldus, Episcopus Lugdunens. in ſumma virtutum & vitiorum, tomo 2. tract. 3. ca. 3. Atq; id Iſidorus lib. 2. de ſummo bono cap. 39. ſatis etiam attēſtatur, dum ait. Maximè per carniſ

carnis luxuriam humanum genus subditur diabolo, quām per cætera vitia. Dæmones scientes pulchritudinem esse animæ, castitatem, & per hanc hominem angelicis meritis, ē quibus illi lapsi sunt, coquari, liuore percussi inuidiæ, injiciunt per sensus corporis, opus desideriumq; libidinis, quatenus à cœlestibus deorsum deiectam animam pertrahant, secumque quos vicerint, gloriantes ad tartara ducant. Nouit optimè Dæmon, vehementissimum esse carnis ardorem, & animum, quem occupauerit, non facile liberari. Etenim vt S. Ambros. ait in cap. 4. Lucæ. quasi clavis quibusdam suffigitur anima corporis voluptatibus, & cum semel adhæserit cupiditatibus demersa terrenis, difficile in altum potest, vnde descendit sine Dei fauore reuolare. Actuum enim suorum vincita laqueis, & deliciarum secularium illecebris obnoxia iam tenetur. hæc Ambrosius.

Septima est, Execratio, vel maledicē-

*7. Causa,
maledicendi
rabies.*

disue imprecandi rabies.

Q

VOD quidem peccatum multis usitatissimum est, vt minima occasione & aduersitate oblata, se suosq; Dæmonibus & diris omnibus deuoueant; & tunc aliquando iusto Dei iudicio malum euenit, quod imprecantur. Quare Proverb. 8. dicitur: sicut avis ad

alta